

## BERTSO BERRIAK

Miren Amuriza

### Udalekuei jarriak



#### I

Uztaileko eguzki  
izpien dirdira,  
esnatzearekin bat  
pizten da intriga,  
begirale zein ume  
udara begira,  
mundutxo bat sortzeko  
elkarren neurrira,  
udalekuetara  
abiatzen dira.

#### III

Beti oroituko dut  
Goñi non dagoen,  
Nafarroako bihotz  
magikoa omen.  
Han ez da inoiz jakiten  
zer gertatuko den;  
irriak sortzen dira  
lokartu baino lehen,  
eta ametsak hasi  
esnatu ondoren.

#### V

Nahiz guztiok igaro  
bi aste atsegin,  
etxerako eguna  
iristen da berdin,  
helbideak trukatu  
malko txikiekin,  
eta autobusetik  
agur-agur egin,  
berriro elkartzeko  
esperantzarekin.

#### II

Berezia izaten  
da iritsiera:  
taldea ezagutu,  
hautatu litera,  
arropa, botak eta  
zakua atera...  
Pixkanaka motxila  
hustez batera,  
sentipenez betetzen  
hasten da norbera.

#### IV

Goizeroko nagiak  
zakuetan laga,  
eta mendira edo  
eskulanetara.  
Konturatu orduko  
iristen da gaba,  
ipuinak, muxu bana,  
umeak lotara...  
Horrela nekatzea  
gauza ederra da.

#### VI

Esperantzak atzera  
Goñira naroa,  
askok hantxe kokatzen  
dute haurtzarora.  
Begiraleek ere  
zer lan oparora!  
Izan arren aspaldi  
handik igarora,  
nire gogoa udan  
berriz hara doa.

**DOINUA:** Agur sagar beltzeran.



Bidali zure sortak [bertsoak@argia.com](mailto:bertsoak@argia.com) helbidera. Aukeratuak orri honetan argitaratuko ditugu.